

Broj: 02- 916-2 /26

Datum: 03.07.2026.

Na osnovu člana 33. Zakona o osnivanju Nezavisnog operatora sistema za prijenosni sistem u Bosni i Hercegovini ("Službeni glasnik BiH", broj 35/04), čl. 21. stav (1) tačka c), čl. 64. stav (1) tačka a) i čl. 70. st. (1), (2), (3) i (6) Zakona o javnim nabavkama ("Službeni glasnik BiH", br. 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", br. 103/14 i 49/23) i člana 25. Statuta Nezavisnog operatora sistema u Bosni i Hercegovini ("Službeni glasnik BiH", br. 89/16, 84/18, 34/23 i 38/25), a na Preporuku Komisije za nabavku iz Zapisnika o ocjeni ponuda za "Nabavka usluge održavanja sistema SCADA/EMS" broj: T-NOSBIH-P-06/26, generalni direktor donosi:

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za nabavke iz Zapisnika o ocjeni ponuda za "Nabavka usluge održavanja sistema SCADA/EMS" broj: T-NOSBIH-P-06/26, te se ugovor u predmetnom postupku javne nabavke dodjeljuje ponuđaču SIEMENS AKTIENGESELLSCHAFT OESTERREICH – PODRUŽNICA SARAJEVO kao najpovoljnijem ponuđaču po ukupnoj cijeni od 219.021,60 KM bez uključenog PDV-a.

Član 2.

Ova Odluka će se objaviti na web stranici NOSBiH-a u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

Član 3.

Ova odluka stupa na snagu danom donošenja.

OBRAZLOŽENJE

Nezavisni operator sistema u Bosni i Hercegovini (u daljem tekstu: Ugovorni organ) je na Portalu javnih nabavki dana 12.05.2026. godine objavio Tendersku dokumentaciju za fazu pretkvalifikacije u pregovaračkom postupku bez objave obavještenja o nabavci za "Nabavka usluge održavanja sistema SCADA/EMS" broj: T-NOSBIH-P-06/26 u okviru koje su u skladu sa članom 28. stav (2) Zakona o javnim nabavkama ("Službeni glasnik BiH", br. 39/14, 59/22 i 50/24) (u daljem tekstu: Zakon) unaprijed utvrđeni uslovi za kvalifikaciju. Ponuđač SIEMENS AKTIENGESELLSCHAFT OESTERREICH – PODRUŽNICA SARAJEVO je u roku zadanom u okviru tenderske dokumentacije na protokol Ugovornog organa blagovremeno dostavio pretkvalifikacionu dokumentaciju i Zahtjev za učešće.

Utvrđeno je da je dostavljena pretkvalifikaciona dokumentacija i Zahtjev za učešće ponuđača SIEMENS AKTIENGESELLSCHAFT OESTERREICH – PODRUŽNICA SARAJEVO formalno-pravno prihvatljiva i ista ispunjava tražene kvalifikacione uslove, odnosno zahtjeve ugovornog organa tražene Tenderskom dokumentacijom za fazu pretkvalifikacije u predmetnom pregovaračkom postupku bez objave obavještenja o nabavci.

S tim u vezi, u skladu sa članom 28. stav (2) Zakona, navedenom ponuđaču je omogućeno učestvovanje u daljem toku predmetnog postupka javne nabavke.

Ugovorni organ je na portalu javnih nabavki objavio Tendersku dokumentaciju za fazu dostave početne ponude. Ponuđač je u zadanom roku na protkol Ugovornog organa blagovremeno dostavio svoju početnu ponudu i u skladu sa članom 28. stav (6) Zakona stečen je osnov za pregovaranje. Pregovori sa ponuđačem su obavljeni u roku navedenom u tenderskoj dokumentaciji o čemu je sačinjen Zapisnik kojeg su potpisale obje strane nakon okončanih pregovora.

Nakon dostavljanja početne ponude i obavljenih pregovora u vezi tehničkih, pravnih i ekonomskih aspekata ugovora sa ponuđačem, Ugovorni organ je na portalu javnih nabavki objavio Tendersku dokumentaciju za fazu dostave konačne ponude.

Ponuđač je u zadanom roku na adresu Ugovornog organa blagovremeno dostavio svoju konačnu ponudu u ukupnom iznosu od 219.021,60 KM. Nakon završene evaluacije, uzimajući u obzir cijenu ponude, zadovoljavanje kvalifikacijskih uslova i ispunjavanja zahtjeva iz Tehničke specifikacije, zaključuje se da je ponuda ponuđača SIEMENS AKTIENGESELLSCHAFT OESTERREICH – PODRUŽNICA SARAJEVO, prihvatljiva u smislu člana 2. Stav (1) tačka l) alineja l) Zakona.

S obzirom na sve navedeno odlučeno je kao u članu 1. ove Odluke.

POUKA O PRAVNOM LIJEKU: Žalba na ovu Odluku se može izjaviti ugovornom organu, u pisanoj formi u dovoljnom broju primjeraka (ne manji od tri), najkasnije 10 dana po prijemu Odluke



Generalni direktor
dr Nemanja Pandurević

Dostaviti :

- Ponuđaču SIEMENS AKTIENGESELLSCHAFT OESTERREICH – PODRUŽNICA SARAJEVO
- Sektor za ekonomske poslove
- Sektor za pravne poslove
- a/a